

中國地方志集成

安徽府縣志輯 ⑤⑤

光緒祁門縣志補

同治祁門縣志



江蘇古籍出版社 ● 上海書店 ● 巴蜀書社

責任編輯 薛飛
封面設計 范一辛
美術編輯 姜嵩

中國地方志集成

安徽府縣志輯⑤⑤

出版發行 江蘇古籍出版社

社址：南京市中央路一六五號

發行部電話：〇二五·三·二二三四六二

郵編：二一〇〇〇九

印刷 上海市印刷七廠

定價 二二〇元

1998年4月第1版第1次印刷

ISBN 7-80643-016-4/K·16



同治祁門縣志



(清) 周 溶 修
(清) 汪 韻 珊 纂

本書三十六卷首一卷，據清同治十二年（一八七三）刻本影印。

重修祁門縣志序

同治己巳歲皖邦

大府倡修安徽通志檄各府
州縣修志以備採擇非矜著
作也慨自髮捻肆惡江南北
徧地干戈其間戶口逃亾田

地荒廢城垣毀壞廟宇傾圮
一切人事物產今昔懸殊滄
桑變改將欲考之掌故而簡
冊剝殘書籍焚燬如省志郡
邑志千百什一幾於無存倘
此時不振起而修輯之墜緒

茫茫以後更難旁搜而遠紹

大府命下各郡邑咸知此事
之不可緩惟事關紀載攷古
證今又非尋常操觚之士所
能爲役也周大令春浦時宰
祁閭勤求吏治多所整頓慨

然以修輯邑志爲已任此與
明永樂辛卯之邑宰路君萬
厯己亥之邑宰余君
國朝康熙甲子之邑宰姚君
道光丁亥之邑宰王君皆能
考獻徵文思垂不朽者也爰

集城鄉殫見洽聞之士分司其事更延海陽名進士汪韻珊比部以主講東山推其秉筆夙聞比部品端學邃其考據必精筆削必審今披閱纂修成編以道光志爲權輿而

續輯道光丁亥後四十餘年之事至同治壬申而止分門別類溯源竟委譎謬者辨之闕畧者增之體例之未符者正之勞績之可收者錄之忠義節烈之抑塞者闡發而表

彰之閭閻利弊之關係者剖析而詳究之小之爲編紀補拾之能事大之卽風俗政治之主張此固非徒炫宏富誇月旦也夫邑各自輯其志卽郡志之所由資郡各自輯其

志卽省志之所由集值兵燹亂離之後前千百年之事不可聽其渙漫而散佚近十餘年之事尤不可任其湮沒而不傳周君因邑志成而以序請余亦何能以不文辭是爲

序

同治十二年癸酉夏月知
州府事卓異加一級古端州
何家驄撰



重修祁門縣志序

環祁皆山也桃峯西峯白石
峯盤錯如蠶叢磅礴鬱積發
為英奇代有聞人職是故歟
夫山川亘古不變人事與時
推遷賴得播休聲闡遺行具

懲勸繼繼繩繩拮據搜推昭
示後世而垂無窮幸矣語曰
莫為之前雖美弗彰莫為之
後雖盛弗傳志之不可以已
也如是夫壬申秋余權守新
安祁宰周君春浦借邑中博

雅士續纂成書余披覽久之
竊嘆所關治績者大風化者
宏非區區誇輿圖勝概物產
蕃滋已也噫祁閭之設自唐
迄今千有餘歲矣兵燹幾經
厯矣而今昔梅城載籍爛焉

祁門縣志卷之首 劉序

二

設非賢人君子維持其間何
以得此志之作也始元代邑
人汪子相亦越我


朝續修凡五諸序具在類皆鉤
元提要旨遠詞文余毋庸贅
第不獲辭周君意且心嘉美

舉之匪易易也用綴數言附
大雅後聊誌相契之深云

同治十一年十二月

欽加道銜署徽州府知府安州

劉奎光謹撰



祁門縣志卷之首 劉序

三

例者悉從釐正嚴而有法覈而不煩蓋駸駸乎良史也然溶嘗受而讀之其中之闇於掌故乖乎體裁舛誤而濶疏者猶或不免江文通有言史之難無出於志則信乎其難

也夫自丁亥迄今又四十四年矣歲月屢遷中更多故溯咸豐甲寅至

今上同治癸亥粵賊流竄毒徧江南祁以地處衝要被禍尤酷此十年中士紳之籌餉練

團義民之同仇敵愾以及愚夫愚婦或從容徇節或激烈捐生其足泣鬼神而光志乘者不知凡幾斯固我

國家德澤涵濡之深抑亦吾邑士氣民風之厚此尤前志之

所無而不徒陵谷變遷景物殊異之亟宜編紀已也溶以已已視篆此邦適吳大中丞倡修安徽通志檄各郡邑修志以備採擇溶幸斯會之適逢而復以斯任之弗勝為惴

重修祁門縣志凡例

一前志修於道光丁亥今從丁亥以後編輯至同治壬申志成之日為斷

一道光志大卷分輿地水利食貨學校武備職官選舉人物藝文冠以圖序殿以雜志今仍從舊未有增除惟雜志子目兵事一門係新增入

一各門紀載見前志者註明某志新編入者註明採訪以示區別

一忠義孝弟節孝三祠前志列於壇廟體例未符今列入學校志學宮之後說見本篇

祁門縣志卷首

凡例

一康熙志載有祠宇道光志以為故家大族人所共知概從刪去惟徽俗最嚴門第况經兵燹之後世族不少凌夷今據各姓舉報復行彙編一以稽氏族之廢興一以杜非族之影冒

一邱墓照道光志例只載名賢忠義及三品以上勳業爛然者餘俱不載以示限制其康熙以前志所載者仍存不刪

一選舉一門例貢由文庫報捐者載入非由此者不載遵前志例也

一道光志授例職銜由文庫出身及曾經實授地方者並

載餘不錄茲自軍興以來或輸餉佐軍懇邀議敘或帶團殺賊獎給軍功實為前志之所無與尋常捐職榮身者不同應並採錄以為急公効力者勸

一人物志所採孝友文苑義行遵照憲頒志例必係沒世論定之人仍由本鄉出結送局由局聯銜稟縣核實批准然後入志其有前志未收確有徵信者按照時代先後分門編入補遺

一列女一門照道光志例首列節孝而以孝婦賢淑附後已故已旌者在前列現在年例已符待旌者次之

祁門縣志卷首

凡例

二

一自咸豐甲寅至同治癸亥殉難紳民婦女按祁門紀變錄增以採訪分年編列紳民附忠義後婦女附節孝後其有本籍而殉難他鄉者一併採登有異籍而殉難於祁者概不闕入

一藝文一門只載書目其有著作關乎地方文字出於名宿者畧仿史記漢書之例分別收於本事本入之下他如游戲應酬之作風雲月露之詞一概不收以免冗濫
一道光志例謂舊志沿誤殊多如岳忠武師過東松巷與僧子珣問答之語乃採閩巷謬談又痛斥水碓之害味於利弊恐誤興除關係不小一一按辨附於各條之下不復另立辨論今從之

一舊志不載志源然祁之有志自邑人在元相作始於元
 元統癸酉迨明永樂辛卯萬歷己亥及
 國朝康熙甲子道光丁亥凡四修輯序文具在班班可考
 今特以次列於簡端俾後之覽者得以循流溯源免立
 志源一冊

祁門縣志 卷首 凡例 三

祁門縣志圖

四境圖 考棚圖

城垣圖

縣署圖

學宮圖

書院圖

青蘿巖圖


閩門圖

鳳凰山圖


共計九圖

祁門縣志 卷首








祁門縣志 卷首



祁門縣志 卷首








青蘿巖圖

祁門縣志

閩門圖

卷首



祁門縣志

卷首

永樂辛卯志原序

蔣俊江西人

邑宰濟南路公括蒼顧公貳尹建寧楊公判簿常州楊公
僉謂俊曰胡克昌汪志祥汪德高為邑之耆耄合辭來言
祁閭舊有圖志兵燹弗存欲加採輯以備賢士大夫之觀
覽是亦祁閭之一幸也俊謂縣邑之有圖志登載一邑之
事實好事君子往往修而輯之梓而壽之者蓋圖以載山
川岡阜之形勢志以紀乎風土人物戶口錢糧與夫守宰
賢否之類豈徒紀錄乎哉在昔成周之制職方氏所掌有
所謂土訓之官小史外史之所掌有所謂誦訓之官而一
圖一志未嘗無所佩也降及後世謂非史職所為故大邦

祁門縣志

卷首

原序

二

名郡率皆缺而不講而圖志之說或有或無況於區區僻
陋之小邑也哉祁門為新安屬邑古黟之赤山鎮也肇始
於唐山川迤邐崑崙嵒磅礪清靈秀淑之氣鍾闔鬱積實為
我文公過化之邦也方今聖人御極海宇清寧又得賢大
夫為之師帥而倡興乎上者畫俊父殫力奮智而奔走於
下甚盛舉也而俊以苦病之餘無能為役貢士汝濟黃生
明敏博洽舊從余遊乃相與搜摭遺稿編輯散佚以為祁
閭圖志一十卷分別事類凡邑治之建始公署古今之沿
革人才之消長風俗之盛衰錢糧戶口山川形勢靡不具
載不待贊之於文人學士而一覽瞭然俊雖不敏用序編

端庶使覽者有以知賢士大夫之為政不特規規於簿書
期會之末而耆艾之所請直欲是編與祁閭之山川陵谷
相為悠久亦非為一時之故事而已也

祁門縣志

卷首

原序

三

Blank space for the second page's main text.

永樂辛卯志原序

黃汝濟

祁閩屬新安邑乃微國文公過化之邦也肇建於唐紀元
 大歷丙午迄今六百四十六年邑舊有志目曰祁閩由元
 統癸酉邑人汪元相網羅眾說哀輯成書以迄兵燹以來
 舊志散亡未究修輯誠缺典焉去年夏典教集奇蔣先生
 承邑侯命纂而修之甚盛心也時先生抱疾乃召濟訪搜
 遺編採摭庶務既而先生就加修輯芟繁撤逸正訛黜陋
 六閱朔望始克成書先生用序其端將繡梓以廣其傳邑
 大夫路侯復命濟序於簡末詎弗敢辭竊觀邑志紀山川
 之形勢非以示觀美也使知險易之處而慎固守焉其記
 祁門縣志 卷首 原序 四

戶口田賦非以廣富庶也使察地利之實而務博節焉其
 錄乾旱水火非以載其事也使審災異之變而審預備焉
 以至牧宰之賢否治政之得失人才之豐嗇皆有微意焉
 乎其間者矣然則是編之紀實一邑民事風俗所由繫豈
 特具故事備觀覽而已耶今得賢大夫倡其義於始而先
 生成其志於終以成一代之盛典俾六百餘年之事粲然
 有所徵者固邑大夫闡義勇為之功抑亦先生樂成人之
 美者也時則清溪倪民新竹銘陳得成皆懷敏捷之才粟
 里王思溫盧溪胡彥成又皆純樸之士為邑曹之祿服賢
 侯之化率皆盡心殫力趣成其事實亦可嘉焉因為之序

萬曆己亥志原序

余士奇

古者列國有史世史職之於是乎業專而法信晉楚尙矣
 春秋用魯書而文則史一字褒貶抑何嚴也秦始罷侯置
 令畫疆而分之故今之令比古列侯我明興垂二百餘年
 吏治彬彬凡郡國縣道靡不有志稱外史焉而以時修葺
 是在有司新安為內史輔郡而祁號巖邑其在遠不具述
 紫陽朱夫子倡道東南為六經墳詔及其門者若竹山謝
 氏哀然高弟實祁產也至瓊谷汪先生號稱名儒為一時
 冠後先掩映代有聞人夫豈文獻不足而載籍散軼故實
 寥寥不少檢見余於別載猶有賸軼事焉縣志犁備奈何
 祁門縣志 卷首 原序 五

求諸野尋考之故老曰縣故無志非無志也舊志修自正
 德庚辰歲流傳人間僅存一二瑜瑕互掩玉石相糅其有
 載在志書者亦或無當而文亦蕪穢不雅馴以故廢不行
 猶無志也余視之良然彼其庸庸而途聆家駁而指錯眾
 實為政將安折衷哉無徵不信更故開先亦各有其時耳
 夫後之視今猶今之視昔余不佞無能為役願誠以為此
 典遂闕不修其謂職業何何以耀人文而在章痺語曰不
 習為吏視已成事是謂志已恐曠日久而籍滋公是余之
 咎也夫區具狀聞於當道者既得請迺開館禮延鄉大夫
 大涵謝君斐篁李君孝廉蔡君明君諸二三文學相與左